



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ
AGENCIJA ZA PROMOCIJU IZVOZA BOSNE I HERCEGOVINE



Agencija za
promociju
izvoza
Bosne i
Hercegovine

Broj: 02-02-2-1126-2/25
Sarajevo, 20.11.2025.

N/p - Direktora

PREDMET: Posjeta bh. kompanija Međunarodnom sajmu vina i alkoholnih pića „Wine Paris“ 2026, Pariz (Francuska), 9-10.02.2026.

Poštovani,

Obavještavamo Vas da Vanjskotrgovinska/Spoljnotrgovinska komora Bosne i Hercegovine organizuje **posjetu Međunarodnom sajmu vina i žestokih pića „Wine Paris“ 2026, čije će se 7. izdanje održati od 9. do 11. februara 2026. godine u Parizu (Francuska).**

Posjeta sajmu biće organizovana prva dva dana sajma, 9. i 10.2.2026. godine.

„Wine Paris“ je jedan od vodećih međunarodnih sajmova posvećenih industriji vina i alkoholnih pića. Održava se svake godine u Parizu i okuplja proizvođače, uvoznike, distributere i stručnjake iz industrije iz cijelog sveta. Događaj pruža jedinstvenu platformu za umrežavanje, otkrivanje novih proizvoda i istraživanje najnovijih trendova na tržištu vina i alkoholnih pića. Sa fokusom na inovacije i održivost, „Wine Paris“ je ključan događaj za sve koji žele da prošire svoje poslovanje i povežu se s najvažnijim akterima u industriji vina i alkoholnih pića.

„Wine Paris“ nudi sveobuhvatan program za profesionalce u vinskoj i žestokih pića industriji: B2B sastanci, edukativne sesije i degustacije (The Academy), promociju mladih vinara (La Nouvelle Vague), predstavljanje premium pića i trendova (Be Spirits), te brojne networking i Le OFF događaje širom Pariza. Događaj povezuje učesnike, promoviše inovacije i razvoj poslovanja.

Cilj organizovanja ove posjete je podrška bh. kompanijama da uspostave direktne kontakte sa potencijalnim kupcima i prošire poslovne prilike na međunarodnom tržištu.

VTK/STK BIH će izraditi katalog sa profilima odabranih kompanija. Katalog će biti na engleskom jeziku i u elektronskoj formi (QR kod) koji će se koristiti prilikom posjete sajmu.

Organizator VTK/STK BIH će svakoj odabranoj kompaniji obezbijediti novčanu subvenciju u iznosu od 1.500,00 KM sa uključenim PDV-om. Kompanije od subvencije imaju pravo pokriti troškove avio prevoza, smještaja, ulaznice i slično. Takođe, VTK/STK BIH će sa svakom kompanijom potpisati Ugovor u kome će se tačno definisati na šta će biti utrošena subvencija.



Branislava Đurđeva 10
71000 Sarajevo, BiH

Tel.: (+387 33) 566-222, 566-257, 566-253
Fax: (+387 33) 214-292, 566-258, 566-259

E-mail: cis@komorabih.ba
<http://www.komorabih.ba>

Ulaznice za sajam:

Postoji mogućnost da će članovi bh. delegacije dobiti ulaznice po sniženoj cijeni ili čak besplatne, o čemu ćemo učesnike blagovremeno obavijestiti.

Plan posjete sajma:

- 8.2.2026. godine individualni dolazak i smještaj
- 9.2.2026. od 09:00-19:00h (sat vremena prije otvaranja sajma sastajanje Komorskog tima sa predstavnicima bh. kompanija; posjeta sajmu, sastanci sa potencijalnim poslovnim partnerima)
- 10.2.2026. od 09:00-19:00h posjeta sajmu i sastanci sa potencijalnim poslovnim partnerima; završni sastanak bh. kompanija i predstavnika VTK/STK BiH.
- 11.2.2026. - povratak

Pravo za učešće u ovoj poslovnoj misiji imaju:

- bh. kompanije sa iskustvom u izvoznim poslovima iz oblasti vina i alkoholnih pića
- kompanije koje su strateški opredijeljene za izvoz na tržište zemalja EU i imaju adekvatan kvalitet proizvoda;
- kompanije koje su aktivni članovi VTK/STK BiH (redovno izmiruju obaveze plaćanja članarine – eliminatorni kriterij);
- kompanije koje mogu osigurati prisustvo najmanje jednog predstavnika koji aktivno komunicira na engleskom jeziku (ulaz za osobe mlađe od 18 godina nije dozvoljen).

Pozivamo sve zainteresirane bh. kompanije, koje zadovoljavaju navedene kriterije, da **najkasnije do srijede 3.12.2025. godine** dostave popunjen Prijavni obrazac i 4 originalna primjerka popunjenog, potpisanog i pečatom ovjerenog Sporazuma na adresu VTK/STK BiH:

Vanjskotrgovinska/Spoljnotrgovinska komora Bosne i Hercegovine

Ul. Branislava Đurđeva 10

71 000 Sarajevo

Pored dostave tražene dokumentacije na adresu Vanjskotrgovinske/Spoljnotrgovinske komore Bosne i Hercegovine, a radi brže obrade podataka, molimo Vas da iste skenirate i proslijedite i na e-mail: stanislava.perisic@komorabih.ba. Kontakt osoba za dodatne informacije je Stanislava Perišić (033 566 242).

Za organizaciju posjete sajmu „Wine Paris“, potrebno je imati najmanje prijavljenih 5 kompanija, u suprotnom VTK/STK BiH zadržava pravo otkazivanja organizacije.

S poštovanjem,

Prilog:

- Prijavni obrazac
- Ugovor o regulisanju obaveza


Enes Ališković,
direktor